

金

石

萃

編

金石萃編卷一百一

賜進士出身 諸授光祿大夫刑部右侍郎加七級王昶撰

唐 六十一

無憂王寺寶塔銘

碑高九尺六寸廣四尺四寸四分三十三行行七十四字正書在扶風縣

大唐聖朝無憂王寺大聖真身寶塔碑銘 并序

徵事郎殿中侍御史內供奉賜緋魚袋張彥撰

鹽農楊播書

夫萬物混成天地恒其數一真妙用龍象演其教教也者因言以見性數也者任氣而為名 我釋迦闍

兩儀應三廿步蓮臺而清風自扇攀桂樹而白月□□  
故能□□根牙□宏頓漸高懸佛日遠照昏衢了緣扣  
寂合大空而泥相從有入無破羣迷以登覺眇矣翹矣  
盲哉實哉有若此寺大聖真身寶塔者 摩伽王之系  
孫阿育王之首建也噫如來滅後報應斯在究乎其容  
則卅二相形焉□乎其變則八萬四千所明焉或曰華  
夏之中有五印扶風得其一也雖靈竒可觀而載紀莫  
標目者漢□□□齊梁□□遭時毀歇晦跡丘墟營□  
不□□□無□□祥異氣往往聞出故風俗謂之聖冢  
焉空傳西域之草獨享中人之薦厥有太白二三沙門

攝心住持得口清淨其始遠也望而口之其少近也口  
而信之周流一方磅礴口皇口口口色口口瑞光通宵  
更雄達曙不散者久之矣咸請奉以身命碎於微塵精  
誠克孚指掌斯獲驗其銘曰育王所建因以名焉 大  
魏二年岐州牧小冢宰口拔育以爲口口口古名同於  
今口削舊規剏新意廣以臺殿高其閤度僧以資之  
刻名以紀之隋開皇中改爲誠實道場仁壽末右內史  
李敏復修之賡其銘矣煬皇帝嗣位省口下伽藍口口  
口燒禪口口口發其口逐口口以州口寶口而配焉

我聖唐太宗文武皇帝鳳鳴中天龍躍北朔吊萍舉

以問罪次津川而犒師欽承靈蹤宿布虔懇一戎遂定  
載路□□□德□年□□法門□□京城□十四大德  
□□沙彌□□□舊大德以輔□贊有功也僧徒濟  
濟□百其衆梵宇嶽嶽數千其多貞觀五年二月十五  
日岳伯張德亮曰覩神光□□及物□上章奏精□動  
天有□□以望雲□寢殿門施焉古所謂  
三十年一開則歲穀稔而兵戈息自育至顯德五年蓋  
三十霜矣八部瞻仰再□開發卽以其年二月八□□  
□□□□□奉迎護舍利觀其□□玉潤皎潔冰  
淨靈不可掩堅不可磨寸餘法身等虛空而無盡一分



立杖一柱以戴天  
蠅螟霞舒揭萬楹而捧日  
則

天聖后長安四年  
勅大周□□□□□□

臺□□□□□□公暉同往開之□□作□七日行道

踟躕荷擔於東都明堂而陳其供焉  
萬乘焚

香千官拜慶雲五色而張蓋近結城樓日重光以建輪

遠浮郊樹□□□□□□□□□□□□□□□□□□

□□岐陽施絹三千疋景龍四年二月十一

日中宗孝和皇帝旌爲  
聖朝無憂王寺題舍利

塔爲  
大聖真身寶塔度僧四十九□□□□□□□□□□

□□□□□□□□□□□□□□□□□□□□□□□□

化□□之謂聖陰陽不測之謂神況每欲開臨皆呈異  
相或風煙歛歛蕩覆河山或雷雨震驚杭動天地倏往  
而香花戾止□□□□□□□□□□  
我肅宗文明

大聖大宣孝皇帝續承丕緒恢復盛業德包有截化惣  
無垠以澤及四海爲勲華以功□□□□□□□□□□  
□□□□□□□□□□初五月十日□□□□□□□□□□  
□僧法

澄中使宋合禮府尹崔光遠啟發迎赴內道場

聖躬臨□晝夜苦行從正性之路入甚□之門以其年

七月一日展如初□□□□□□□□□□  
詔□

□□像一鋪□事金銀之具□百□□□□爪髮王簡及



瑟瑟數珠一索金欄袈裟一副沉檀等香三百兩以賻  
之道俗瞻戀攀緣號訴哀聲振乎林薄痛□□乎海裔  
故得□源嗚咽□□□□□□□□光□  
我漢室

人□□□□之頃寺之門樓及鍾經等閣及東西行廊  
星霜殆改岡克厥梅有元嚮上人者禪林之秀也壞衣  
味道却粒□真□大慈悲聿宏製之寔多喜捨□□□  
□有輪奐□□□□□有墜茨而未盡□□沙門法筠  
者法將之雄也上座唐興寺主法昭泉都維那澄演等  
蓮華之粹也同力致用誓相爲謀□□□以營之又結  
括以成之層簷□□□□□□□雲□□□□崇崇焉

極樂之所也嗟夫八音希聲大覺無形或芬芬馨馨或  
杳杳冥冥如髣髴兮有靈有靈有道有道則壽考凡人  
莫□□萬物於自然故達士樂全真而□□□□□  
□□□相交□王李公□忠□心居其泊志處其約或  
蹇蹇諤諤或汪汪綽綽若昂藏之野鶴野鶴得性得性  
則常靜凡人莫不繫百寶於□□故□公秉廉  
讓以成政□□□□□□□□□□克己復禮人焉而勸□  
□懲惡人焉而懼任□□善人焉而悅務農省稅人焉  
而康君子曰不肅而威不嚴而教龍門講德載揚元□  
□風馬首行春更墮里嵩之雨良足□□□□□□□□

口衛口口口口口口口口孤懸隴口口稜劍口長倚  
天外而已在少尹時則有若檢校刑部員外郎兼侍御  
史張公增少尹檢校司勳員外郎兼侍御史丘公鴻漸  
並口口口口口口口口幕口口口有若侍御史內供  
奉梁公傑侍御史內供奉姜公邑高監察御史裏行嚴  
公霍秘書省校書郎掌書記韓公計皆人倫之傑也或  
間氣逸發或含章挺生騰口口口駕鳳爭飛口口口則  
口口口口本口兵馬使開府儀同三司侍中監李奉忠  
文武呈才風雲合變英威獨斷問望孤高監軍使左監  
門衛大將軍焦奉超武畧濟時忠口口口口口口

口寵冠

兩朝口口口口口量宏深清口卓絕聿

膺宰命尤著吏能共叅

元戎之佐喜聞微妙之偈

以為命者身之質身者命之資法本皆如性應無著筏

喻口口口口口口口口樹口口口相与口簡口口

頌口詞口

我佛在兮世獨尊我佛化兮道長存流正法兮不二門

赫惠日兮破重昏摩伽國兮口口口口口口口口口口

仰大口兮遍口口口金口兮口口口度眾僧兮施百納

口口口口口口口心清淨兮眼不雜伏騰猿兮救怖鴿

混丘墟兮將如何絕榛棘兮与菅藁觀變現兮信轉冬

□□□□□□□□□□  
邦伯奏兮發  
睿旨展開迎兮歸  
帝里捨

珍玩兮具法喜  
駢星宮兮勢崩起  
會天人兮浴定水  
偉

嘉祥兮爭効祉  
□□□兮□光明

我尹忠兮□克清  
踐福地兮□□生  
對真容兮忘

□情琢巨石兮讚  
休禎歷曠劫兮揚  
善聲

大慶十三年歲次戊午四月□丑朔廿五日辛□建

刻字口秀

因學紀聞曰舊史德宗紀貞元六年岐州無憂王寺  
有佛指骨寸餘先是取來禁中供養二月乙亥詔送

還本寺此迎佛骨之事也韓愈傳云鳳翔法門寺有護國真身塔內有釋迦文佛指骨一節寺名與前不同閭若璩駁之曰法門寺卽無憂王寺紀載非一手故其名互異說非也

關中金石記

右無憂王寺大聖真身塔銘文云貞觀五年至顯德五年蓋三十霜矣顯德蓋顯慶之謬書碑者稱恒農楊播而不署官攻之史楊炎父播舉進士退居求志明皇召拜諫議大夫棄官歸養肅宗時卽家拜散騎常侍號元靖先生播蓋自託於逸民之流故不稱官也炎鳳翔天興人而播自題恒農者舉其族望如顏

稱琅邪徐稱東海之類

潛研堂金石文跋尾

碑爲徵事郎殿中侍御史內供奉賜緋魚袋張或撰  
宏農楊播書宰相世系表楊氏初裔孫播世居扶風  
子炎相德宗者卽其人也但表言世居扶風而此稱  
宏農舉族望以自異也其序扶風地舊有聖塚驗其  
銘曰育王所生因以名焉大魏二年岐州牧少冢宰  
拓拔口修葺臺殿隨開皇中改爲成實道場仁壽二  
年右內史李敏讓修之重磨其銘唐自太宗問罪薛  
舉師次漳川欽承靈蹤及貞觀五年牧伯張德亮又  
加崇飾中宗旌爲聖朝無憂王寺題舍利塔爲大聖

寶塔肅宗以□□五月十日□□中使宋合禮府  
尹崔光遠啟發迎赴內道場舊唐書肅宗紀乾元三  
年二月癸丑以太子少保崔光遠爲鳳翔尹秦隴節  
度使是也王縉傳代宗令僧百餘人于宮中陳設佛  
像經念誦謂之內道場不知內道場已起于肅宗時  
矣授堂金  
石跋

按此碑題曰大唐聖朝無憂王寺大聖真身寶塔  
碑銘据碑文則無憂王寺之額是中宗所題其在  
隋時爲誠實道場唐武德年間改爲法門寺碑云  
奉以身命碎于微塵精誠克孚指掌斯獲又云寸



餘法身等虛空而無盡似卽所謂手指骨也舊唐書德宗紀貞元六年岐州無憂王寺有佛指骨寸餘先是取來禁中供養正月乙亥詔送還本寺岐州者本魏周所置舊名隋改扶風郡唐初復置岐州至德初升爲西京鳳翔府不知貞元時紀何以仍稱岐州也陝西通志載法門寺在扶風縣北二十里唐書地理志扶風縣本漳川武德二年析岐山縣置貞觀八年更名碑稱太宗聖帝弔薛舉以問罪次漳川而犒師則扶風之法門寺正卽太宗犒師漳川之地與碑合也詳玩碑文指骨藏塔中

三十年一開顯慶五年開後至長安四年復往開  
之肅宗時又啟發迎赴內道場紀所謂先是取來  
禁中供養者正指肅宗啟發之事非憲宗所迎之  
骨也邵氏聞見後錄古塔四層葬佛手指骨一節  
唐憲宗盛儀衛迎入禁中卽韓吏部表諫者塔下  
層爲大有石芙蓉渠工製精妙每芙蓉渠一葉上刻一  
施金錢人姓名殆數千人宮女姓名爲多又刻白  
玉像所葬佛指骨置金蓮花中隔琉璃水晶匣可  
見又明人張杰撰碑記云法門寺者唐憲宗迎佛  
骨之所也元和十四年詔改爲法雲寺勅學士張

仲素撰碑今此碑立于大歷十三年不但在憲宗  
迎佛骨之前三十餘年且距德宗貞元六年送還  
本寺亦有十一年則是憲宗迎佛骨之事非此碑  
所稱之佛骨也困學紀聞但疑無憂王寺與法門  
寺名不同而不知佛骨是兩事閻若璩謂法門寺  
卽無憂王寺是矣而亦不辨佛骨之是一是二皆  
未詳考此碑者也此碑撰文者張彧無傳可攷書  
者楊播卽楊炎之父傳載肅宗時卽家拜散騎常  
侍號元靖先生則當書此碑時已拜散騎常侍矣  
炎傳又稱炎居父喪廬墓側號慕不廢聲有紫芝

白雀之祥炎三世以孝行閭門樹六闕古所未有  
是播亦以孝行聞而門樹二闕矣炎傳又云宰相  
元載與炎同郡炎又元出也故擢炎吏部侍郎史  
館修撰會載敗坐貶道州司馬唐書宰相表元載  
權知門下省事在大歷四年載誅在大歷十二年  
至十四年八月德宗初卽位召炎爲門下侍郎同  
中書門下平章事然則炎之歷官居相位皆在大  
歷四年以後其時父喪以起復則播卒在大歷四  
年以前而此碑立于十三年播卒已逾十年是書  
碑在前立碑在後也碑載肅宗藏骨塔中有瑟瑟

數珠一索以賻之博雅云瑟瑟碧珠也本草云瑟瑟卽寶石碧者方以智通雅今寶石出西番回鶻諸坑井內雲南遼東亦有之紅者名刺子碧者名靛子唐人謂之瑟瑟卽此也唐書于闐國傳德宗遣內給事朱如玉之安西求玉于于闐得瑟瑟百斤蓋瑟瑟爲時所寶如此碑末行四月口丑朔廿五日辛口建泐二字据廿五日平爲辛則朔日是丁丑廿五是辛丑也碑避諱書用作卅世作廿泐作卅

段行琛碑

碑高一丈一寸二分廣五尺二寸四分  
二十六行行五十二字正書在開陽縣

大唐贈揚州大都督段府君神道碑銘 并序

朝請郎檢校尚書刑部員外郎兼鳳翔少尹侍御史  
賜緋魚袋張增書

朝議郎行鳳翔府口口縣尉李同系篆額

巨唐大慶己未歲春正月段府君之子四鎮北庭涇原  
鄭穎等州節度使開府儀同三司御史大夫張掖郡王  
曰秀實追琢貞石光昭先考展孝思旌休烈也夫流源  
者其源長德充者其後大更八姓而不膺五福府君其  
人口君諱行琛字行琛宗周柱史垂其裔前漢都尉昌

其業太尉之威懷戎落驍騎之光啟冀方四燕兩魏高位碩德扶疎於史牒者向二百人以至高門平原忠武王孝先弼亮北齊奄荒東夏恢武經而抗衡西帝接文教而師尹南宮曾門德濬初羅否運播遷隴坻度地背堂襟口望姓在周辟奉朝請入隨直文林館靖恭厥位獲沒  
先朝大父操握機未發早齡卽世考達從調夏官藝極龍豹致果爲教職統熊羆皆保家之良主府君生知六行之美學究五經之奧旣齒鄉賦高標甲科簡脩獨耀於錦衣從事仍屈於黃綬學有著位我實當之都有子弟我實誨之自隴及岐鼎新儒行雖東里

子產西蜀文翁誠存物應蓋未之比厥有成績聞於家  
邦厥名位而知止賁北園而用晦 我國

家雖石斷匈奴之磔時脩大刑於絕漠之表旁求百夫  
之特永清萬里之外府君顧謂子張掖王曰尔居能服  
勤性成惟孝出可承命遊且有方口穴不探龜組何獲  
尔之口昆介弟可以供指使我之先人遺業可以終餘  
齒忠不擇事安實敗名曰口慈以激昂俾宣力以勤遠  
君子謂府君知愛子之道矣王投筆占募馳驅徂征坐  
籌必勝之畧動獲前禽之利洎口宦登通貴佐律副軍  
銀章已綰玉關未入府君温其在邑口且有儀九流百



氏經耳輒誦四憂十義因心必達然猶深居自珍與物  
爲春希言中倫知機其神內葆光以恬真外行簡以依  
仁口口奉親之祿欲養而不待身寄有涯之生遷化而  
無愆天寶九載夏之季序遘疾於汧陽御史里之第乙  
酉奄歸無物其季於斯七十五稔夫人樂平狄氏吳山  
縣丞哲第六之女心婉志柔靜專動直承筐而繁衍其  
實主奠而敬恭無忒下壽初登先時永逝門子祥穎仲  
子秀成季子口穎等柴立長號稽謀宅地明年春孟序  
辛亥遷皇祖及諸父之無後者偕葬於隴山東麓栢谷  
掌次列三墳同施一域送終之禮備矣屬歲振天口塵

驚荆門徵會沙場之右殄殲鐵額之醜王飛郵及

國擗地崩心夷凶難遂於情禮哭墓復隨於軍口既  
清海裔又牧回中一莅疲人荐彰丕績廣德二年秋九  
月乙未

縣太君

恩深歿後之寵慶表生前之訓

上又以王翊亮一節綏御口戎致位崇獨坐之班咸軍  
雪多壘之耻大曆十年夏五月

詔加贈府君婺

州刺史夫人太原郡太夫人十一年冬舊使尙書左僕  
射扶風郡王馬璘遘疾弭留表王請貞師律

詔

仍遷御史大夫既操二重之權克施五利之策平涼安

定曲荷其亭育先零宰开遙服其威信四封無聳三務  
有成十三年五月 命朝丹禁面疆戎索

帝曰朕翁孫也俾寫眞麟閣彙稜而遣焉及季夏壬寅  
又贈府君揚州大都督夫人忻國太夫人榮親揚名二  
美兼著傳曰子之能仕父教之忠詩曰維其有之是以  
似之見於府君矣雖封植無改而銘頌未刊迺聽謬採  
於芻蕘脩詞愧陳於質要銘曰

於穆端士神所勞矣貞惠資身義方訓子育德無倦佻  
名知止宜其後昆式是繁祉繁祉伊何後昆曰然西服  
戎胡東定幽燕殊勩克著湛恩上延贈光三錫慶洽重

泉熊軾增寵牛崗啟絲北控汧源西弼隴岫列塋如始  
紀口增舊淑德清規終天永茂

大曆十四年閏五月庚口朔十三日壬午建

此碑名不著而書法道逸豐美極是當家書者焉張  
增增無書名亦可以知唐人能書者多矣非此碑則  
後世不知有增也按碑行琛者忠烈公秀實父忠烈  
兄弟四人長祥頴次公次秀成次同穎史傳不著因  
爲拈出碑又不署撰文者姓名豈卽張增耶忠烈公  
汧陽人碑在汧陽完好可搨趙明誠金石錄又有一  
碑云楊炎撰蕭正書與此不同而却無此碑豈段公

有二碑耶書之以俟考

石墨  
鐫華

此碑人以其非名家也搨者少故石尙全然字固非惡可以觀唐日文明之盛又何必名家後可存也余于唐碑多有采錄此更罕得但碑中敘府君之沒張掖以軍事未見含歛猶之可言至于葬事喪于昆弟已爲不情乃赴闕出鎮多歷年所未見展墓之請况于終制之思卽唐世之不體臣衷亦王之緩于諭主此中曲折覽之閱人及觀宋之名賢永叔阡標瀧岡全未目見長公自舉進士迨司玉局終身未嘗入蜀松楸邱墓何以爲心則軍旅之交介胄之士更何多

焉然獨云時制太嚴并職非易至我朝恤念臣勞士  
君子欲仕則仕欲歸則歸有何功令之束中尙有父  
母在堂數十年奉諱方八里門者其視唐宋諸人更  
媿矣書以志慨

墨林  
快事

此碑標題揚州字作楊攷開成尙書石經淮海惟揚  
州字亦從木則是時兩字通用矣

關中金  
石記

段府君行琛太尉秀實之父也碑敘其世系云曾門  
德濬初罹否運播遷隴坻新唐書所稱秀實曾祖師  
濬仕爲隴州刺史留不歸卽其事也然碑指爲行琛  
曾祖於秀實爲高祖而傳仍以爲曾祖且碑言播遷

則已非從仕也又其歷官如碑所指亦惟在周辟奉  
朝請人隨直文林館更無所謂刺史也凡此皆疑傳  
文爲誤碑云曾門德濬下言大父操考達則德濬卽  
行琛曾祖名唐人重嫌忌必非敘他文直犯其家諱  
者而傳稱曾祖師濬德誤作師亦宜以碑爲正也行  
琛以碑言天寶九載夏之季序遘疾至乙酉奄歸無  
物攷秀實本傳李嗣業爲節度使而秀實方居父喪  
表起爲義王友充節度判官嗣業傳爲北庭行營節  
度使亦在收復東都之  
後然則嗣業爲節度已當至德改元爲天寶之十四  
載通鑑上命河西節度副使李嗣業將兵赴行在下

言以秀實自副將之其語可案據而傳謂居父喪卽  
在此時推之碑言天寶九載者蓋誤舛失考也通鑑  
天寶十載右威衛將軍李嗣業勸仙芝宵遁別將汧  
陽段秀實詬嗣業執其手謝之還安西言于仙芝以  
秀實兼都知兵馬使爲己判官是嗣業爲右威衛將  
軍而秀實爲判官距天寶九載父卒方間一歲正居  
喪時也于事爲得其實

投堂金石跋

按此碑書者張增篆額者李同系唐書皆無傳惟  
書譜引金石表並列其名亦但据此碑則無他書  
可攷矣碑云大歷己未春正月段府君之子四鎮



北庭涇原鄭頰等州節度使開府儀同三司御史大夫張掖郡王曰秀實追琢貞石光昭先考舊唐書段秀實傳云德宗嗣位就加檢校禮部尚書張掖郡王新書傳云代宗幸陝勸白孝德入援知奉天行營事孝德薦爲涇州刺史封張掖郡王德宗立加檢校禮部尚書此碑立于大歷十四年閏五月其時德宗初卽位而碑已有張掖郡王之封蓋張掖之封在代宗時至德宗嗣位但加檢校禮部尚書舊唐書誤併于德宗嗣位之後此則新書與碑合也碑不書檢校禮部尚書者當在立碑以後

也碑稱高祖曰高門曾祖曰曾門未見他碑正字  
通言世族盛著曰門望引韓顯宗疏云門望者祖  
父之遺烈碑殆取斯義也碑又稱其長子祥穎曰  
門子則本周禮春官小宗伯其正室皆謂之門子  
注謂將代父當門者也然亦未見他碑碑云高門  
平原忠武王孝先弼亮北齊奄荒東夏北齊書段  
榮傳長子韶字孝先小字鐵伐天保五年北史作四年  
封平原郡王北齊書脫平字此從北史堯諡忠武此碑不曰韶  
而曰孝先蓋以字行也北齊書傳又稱韶長子懿  
字德猷第二子深字德深第三子德舉第四子德

衡第七子德堪北史傳則云元妃所生三子懿深  
亮懿字德猷深字德深亮字德堪而皆不及德濬  
碑云曾門德濬初罹否運播遷隴坻度地肯堂鬱  
口望姓蓋是蚤年遷居隴中歷仕周隋與孝先離  
居已久故齊書傳不爲載入不知其爲第幾子唐  
書段秀實傳亦云曾祖師濬師字仕爲隴州刺史  
畱不歸更爲汧陽人可互證也懿深亮皆元妃所  
生則德濬非同母又諸子皆字德某則德濬亦其  
字也大父操諸傳皆無攷考達舊唐書段秀實傳  
云官左衛中郎碑則云從調夏官也兩唐書傳皆

稱秀實性至孝六歲母疾水漿不入口七日疾有間然後飲食時號孝童碑故云府君顧謂子張掖王曰爾居能服勤性成惟孝出可承命遊且有方也碑云門子祥穎仲子秀成季子口穎等而不載叔子蓋卽秀實已列于前也碑云大歷十一年冬舊使尙書左僕射扶風郡王馬璘遘疾彌留表王請貞師律詔仍遷御史大夫兩傳俱云十一年璘疾甚不能視事請秀實攝節度副使兼左廂兵馬使尋拜秀實涇州刺史兼御史大夫四鎮北庭行軍涇原鄭穎節度使與碑合也碑未行閏五月庚

口朔泐一字以下文十三日壬午推之乃庚午也

茅山紫陽觀靈寶院鐘欵識

鐘之高與闊不知凡幾許或就其有字者計之共五  
稜橫廣一尺五寸四分前一區廣五寸五分後四稜  
廣七寸統計十二行行七  
字六字八字不等正書

維唐大曆十四年歲次己未口月戊辰朔十五日壬口

口口金口口口口村將仕郎前口州口水縣尉口口等

六十餘戶其鑄洪鐘一口用銅一百七十斤永充供養

行者徐恬

茅山紫陽觀靈寶院

大丘門

按戊辰朔爲大歷十四年六月十五日爲壬午也

### 殷府君夫人碑

碑兩面刻連額高七尺七寸五分廣二尺二寸三分  
各九行兩側各四行每行並二十九字正書額橫題  
唐錢唐丞殷君夫人顏君之口  
十二字篆書在河南府玉虛觀

有唐故杭州錢唐縣丞殷府君夫人碑

第十三姪男金紫光祿大夫行湖州刺史上柱國魯

郡公真卿撰并書

君号口定琅邪臨沂人口口黃門侍郎口口口口口

口 皇朝秦王記室口魯府君之曾著作郎口口口賢

口口口口口口口口口 皇曹王侍讀贈華州刺史

昭甫府君□□□□□□□□□□□□□□□□慧明達發

乎天均孝仁敬□迴出人表精究□□□□□□□□□□

□□□□□□□□其在家也九族仰其壺儀其移天也六

□□□□□□□□□□□□□□□□太夫人殷氏□

□□之才膺大家之選□□□□□□□□□□□□□□

□□元孫府君□子□□惟貞府君貌焉始□□□□□□

□□□□□□□□□□□□□□下關名<sub>碑側</sub>□□□□□□

□□□□□□□□之不登□秩每□文□族祖濬武平

一呂因李□陳□□□□朝內弟暉舞允南姨弟劉瑾

族第□同賦詩多擅警絕之句六女長適□□生安陸

令銓孝養於君次適王元口著漢春秋次適蔡九言生  
口口口口口口爲當代之冠次適顏昭粹粹女適司勳  
郎口口口口才器爲海內口口口口口口欽生濯季淮幼  
適我兄闕疑仁口口口口口口口口度爲君感口口口  
口口口及女姆真鄉童孺時特蒙君教言毓奇口口口  
口延壽王孫口口口口口口龍口口淹造化篇五都賦不幸  
開元廿五年秋七月有五日以隨口口口成口尉口尉  
之公館享年八十四粵以明年春正月合祔于東口口  
口山之玉寶口禮也嗚呼君全德內充慈仁外被才明  
可以口博士法

下關  
碑側



金石補遺云四面環刻字徑三寸碑書第十三姪男  
上柱國魯郡開國公真卿撰文并書年月缺在河南  
府道居寺天王殿前新自地中掘起者按道居寺乃

玉虛觀道紀司也字音訛耳

河南府志

右杭州錢唐縣丞殷君夫人顏氏碑首云君號口定  
瑯邪臨沂人北齊黃門侍郎之推府君之元皇朝秦  
王記室思魯府君之曾著作郎集賢學士勳禮府君  
之孫文中又稱秘書監元孫府君太子少保惟貞府  
君自父祖以上皆稱府君而直書其名所謂臨文不  
諱也篇中不稱夫人而稱君亦變例也稱會元而去

孫宇與漢尹宙碑同唐書殷踐猷傳族子成已晉州  
長史初母顏叔父吏部郎中敬仲爲酷吏所陷率二  
妹割耳訴寃敬仲得減死及成已生而左耳缺云讀  
此碑乃知卽魯公之姑其二妹者一爲宜芳令裴安  
期妻其一則殘缺不可辨矣殷君之名殘缺不見寶  
刻類編載顏魯公書有殷履直夫人顏氏碑開元二  
十六年立在洛陽疑卽此碑也夫人以開元二十五  
年卒明年正月祔葬此碑乃魯公爲湖州刺史時追  
立蓋在大歷間

清研堂金石文跋尾

金石畧載真卿書獨遺此碑寶刻類編有顏真卿書

殷履直夫人顏氏碑卽此碑四面書字多磨滅其稱

殷君云皇朝秦王記室

缺二字

府君之曾真卿稱第十

三姪男蓋其姑也金石補遺云在河南府學道居寺

天王殿前新自地中掘出者按此碑已見寶刻類編

則非新出

中州金石記

碑四面鐫字半已損滅其序夫人號

缺一字

定而不書

諱字蓋婦人不以名行雖表墓之文亦不輕布如此

又言夫人贈華州刺史昭甫府君季女與魯公之父

為同母而生者宜魯公臨文之慎也

授堂金石版

按此碑兩面兩側同環刻今搨本失兩側非全文

也顏魯公集不載此文無從校補矣額題唐錢唐  
丞殷君夫人顏君之碑夫稱殷君而夫人稱顏君  
橫題碑首他碑未見文內殷府君名泐不可見杭  
州府志職官表有唐錢唐縣丞殷履直云見寶刻  
類編當卽其人前題第十三姪男金紫光祿大夫  
行湖州刺史上柱國魯郡公眞卿撰并書兩唐書  
顏眞卿傳眞卿之封魯郡公在代宗嗣位之初其  
官湖州刺史在元載當國之日此碑文內雖云開  
元廿六年合祔而立碑當在大歷末年也碑直敘  
夫人事文內於殷府君不甚詳則此碑爲夫人作

蓋是府君先卒已葬而夫人以開元廿五年卒明年乃合祔也自開元廿六年至大歷末相距四十年而後立此碑則碑爲諸孫所立矣碑敘夫人不稱諱某而云号口定亦例之變下述夫人先世卽真卿之先世而文亦不避祖諱可以見當時臨文之體文多缺泐以真卿撰家廟碑攷之云黃門侍郎者北齊給事黃門侍郎待詔文林館平原太守隋東宮學士諱之推也云皇朝秦王記室口魯府君之曾者秦王記室諱思魯也云著作郎口口口賢下乃著作郎修國史夔府長史贈虢州刺史勳

禮也云曹王侍讀贈華州刺史昭甫府君者卽其  
卿之祖本名顯甫工篆籀草隸書與內弟殷仲容  
齊名高宗侍讀曹王屬贈華州刺史也曹王諱明  
太宗第九子此先世之可攷者也碑又云太夫人  
殷氏据魯公文集載曹州司法叅軍祕書省廳正  
殿二學士殷君墓碣銘云君諱騰猷字伯起陳郡  
長平人五代祖不害高祖英童曾祖閻禮祖令言  
父子敬君長妹蘭陵郡太夫人眞卿先妣也此碑  
所稱太夫人殷氏似自敘其母然則顏與殷累世  
迭爲婚媾矣碑此下敘姓名有稱內弟者有稱姨

弟者稱謂多他碑未見又夫人生六女適某某皆列其姓名亦始見此碑後云開元廿五年卒于口尉之公館公館二字亦初見中州金石記謂此碑已見寶刻類編而疑河南府志新自地中掘起之說爲非蓋寶刻類編撰于宋時此碑當自宋以後入土至近時新出也

顏氏家廟碑

碑連額高一丈一尺四寸四分廣五尺三寸二十四行行四十七字碑陰同側廣一尺二寸各六行行五十二字並正書額題顏氏家廟之碑六字篆書在西安府學

唐故通議大夫行薛王友柱國贈祕書少監國子祭酒

太子少保顏君廟碑銘 并序

第七子光祿大夫行吏部尚書充禮儀使上柱國魯郡開國公真卿撰并書

集賢學士李陽冰篆額

管孔悝有夷鼎之銘陸機有祠堂之頌皆所以發揮祖德敷演家聲故君子之觀其銘也既美其所稱又美其所爲無而稱之是誣也有而不述豈仁乎論而譏之敢不祗懼君諱惟貞字叔堅其先出于顓頊之孫祝融融孫安爲曹姓其裔知武公名夷甫字顏子友別封鄉爲小邾子遂以顏爲氏多仕魯爲卿大夫孔門達者七十



二人顏氏有八戰國有率燭素有芝貞漢有異肆安樂  
其後舉亂譜謀淪亡魏有斐盛盛字叔臺青徐二州刺  
史關內侯始自魯居于琅邪臨沂孝悌里生廣陵太守  
給事中葛繹貞子諱欽字公若精韓詩禮易尚書學者  
宗之生汝陰太守護軍襲葛繹子諱默字靜伯生晉侍  
中右光祿大夫西平靖侯諱含字總都隨元帝過江已  
下七葉葬在上元幕府山西生侍中光祿勳西平定侯  
諱髦字君道事具孝行傳生州西曹騎都尉西平侯諱  
緝字文和生宣成太守御史中丞諱靖之字茂宗生巴  
陵太守度支校尉諱騰之字宏道善草隸書有風格梁

武帝草書評云顏嘯之賀道力竝便尺牘少行於代生  
輔國江夏王叅軍諱炳之字叔豹以能書稱生齊持書  
御史兼中丞諱見遠字見遠和帝被弑一慟而絕梁武  
深恨之事見梁周北齊書生梁鎮西記室叅軍諱協字  
子和感家門事義不求聞達元帝著懷舊詩以傷之撰  
晉仙傳三篇日月災異圖兩卷文集廿卷見梁書生北  
齊給事黃門侍郎待詔文林館平原太守隋東宮學士  
諱之推字介著家訓廿篇究魂志三卷證俗音字五卷  
文集卅卷事具本傳黃門兄之儀周御正御史中大夫  
麟趾學士隋文輔政不署矯詔索璽又拒之出爲集州

刺史新野公後朝朔望引至御榻曰見危授命臨大節而不可奪古人所重何以加卿事具周書弟之善隋葉令子孫見于後黃門生

皇秦王記室諱思魯愍楚

遊秦小記室字孔歸君之曾祖也隋司經校書東宮學士率子弟奉迎義旗於長春宮招瓜州拜儀同博學著屬文自爲父集序國史稱溫大雅在隋與思魯同事東宮彥博與愍楚同直內史省彥將與遊秦同典校祕閣二家兄弟各爲一時人物之選少時學業顏氏爲優其後職位溫氏爲盛溫氏譜亦載焉生勤禮字敬君之祖也幼而朗悟識量宏遠工於篆籀尤精詁訓解褐校書

郎與兩兄師古相埒同時爲宏文崇賢學士弟育德又  
於司經校定經史當代榮之 太宗嘗令師古讚

崇賢學士以兄弟特命蕭鈞讚之曰依仁服義懷文守  
一履道自居下帷終日業彰素里行成蘭室鶴輪馳稱  
龍樓委質著作郎修國史夔府長史贈虢州刺史生昭  
甫李敬仲殆度無恤少連務滋辟強昭甫字周卿君之  
父也幼而穎悟尤明詁訓工篆籀草隸書與內弟殷仲  
容齊名而勁利過之特爲伯父師古所賞重每有註述  
必令參定嘗得古鼎廿餘字舉朝莫識盡能讀之

高宗侍讀曹王屬贈華州刺史真卿表謝

肅

金石錄卷一百一  
三  
宗批答卿之乃祖當為碩儒既高倚相之能遂有臧孫  
之後不墜其業在卿之門生我伯父諱元孫泉君伯父  
聰穎絕倫尤工文翰舉進士考功郎劉竒特標榜之由  
是名動海內累遷太子舍人  
聖宗監國專掌令

畫嘗和遊苑詩批云孔門稱哲宋室聞賢翰墨云捷莫  
之與先歷滌沂豪三州刺史贈祕書監君仁孝友悌少  
孤育舅殷仲容氏蒙教筆法家貧無紙筆與兄以黃土  
掃壁木石畫而習之故特以草籀擅名天授元季糊名  
考判入高等以親累授衢州參軍與盈川令楊炯信安  
尉桓彥範相得甚歡又選授洛川溫縣永昌二尉每選

皆判入高科侍郎蘇味道以所試示介衆曰選人中乃  
有如此書判嗟嘆久之遂代兄爲長安尉太子文學以  
清白五爲訪察使魏奉古等所薦五即初開盛選寮屬  
拜薛王友柱國伯姊御史大夫張知泰妻魯郡夫人亡  
將葬數家占君不宜臨壙君笑而拒之曰豈有忘手足  
之痛牽拘忌而忍自絕乎弗從其季秋七月才生明遊  
疾而歿教義者隱而傷焉與會稽賀知章陳郡殷踐猷  
吳郡陸象先土谷寇泚河南源光裕博陵崔瓌友善事  
具陸據所撰神道碑累贈祕書少監國子祭酒太子少  
保真卿表謝

肅宗批答云卿之先人德行優著

學精百氏藝絕六書頻擢甲科屢升循政曳裾王府名  
右鄒枚載筆春宮道高徐阮旣而壽乖華髮器紆青雲  
業載史臣慶傳令子追存盛美哀贈崇班且旌善於義  
方俾揚名於有後袁州生春卿臬卿曜卿旭卿茂曾春  
卿工詞翰偶儻有吏材蘇頲舉茂才偃師丞臬卿文理  
清峻所居有聲太常丞攝常山太守祿山反挫其心手  
關土門拜衛尉卿兼中丞城陷臬卿叱罵之遂被鉤舌  
支解而終贈太子太保諡曰忠節真卿表謝

肅

宗批答云自羯胡猖狂入我河縣所在官吏多受迫脅  
卿兄以人臣大節獨制橫流或俘其謀主或斬其元惡

當以救兵懸絕身陷賊庭倘若無人歷數其罪手足寄  
於鋒刃忠義形於顏色古所未有朕甚嘉之臞卿工詩  
善草隸十五以文學直崇文館淄川司馬旭卿善草書  
允山令茂曾好屬文詰訓仁厚絕衆雉爲司馬君生闕  
疑允南喬卿真長幼與真卿允臧闕疑仁孝有更能精  
詩傳善剖判杭州叅軍允南仁孝有清識工詩人多誦  
其佳句善草隸與春卿臬卿臞卿同日於銓庭爲侍郎  
席建侯所賞達奚珣薦爲左補闕真卿時爲殿中正至  
三拱 法座蹈舞而衣袂相接者三故允南賦詩  
云誰言百人會兄弟也霑陪歷殿中膳部司封郎中司



業金鄉男喬卿仁和。有吏幹富平尉真。長清直。早世。幼與方雅。有醞藉。通班漢左。清道兵曹真。卿早孤。蒙伯父。泉允南親自教誨。舉進士。歷校書。制舉。醴泉尉。陳

清白。長安尉。三院御史。四爲大夫。六爲尙書。再爲採訪。節度。充禮儀使。光祿大夫。魯郡公。允臧敦實。孝悌。有吏能。制舉。延昌令。監察。充朔方。衣資使。殿中。三爲侍御史。中允。江陵少尹。荆南行軍。豪州。及君孫。泉明。佐父。開士門。彭州司馬。威明。邛州司馬。季明。子幹。沛。胡頗。誕。及外孫。博野尉。沈盈。盧逖。竝爲逆胡所害。各蒙贈五品。京官。濟好。屬文。翹華。正頤。慈明。都水使者。頰好。五言。按

香頴仁孝方正明經大理司直嶺南營田判官執器九  
日不食頴河陽尉顥鳳翔參軍頴工小楷洗馬頴恭仁  
奉禮郎竝早喪逝絃方義主簿泉觀竝沒蠻襲明微明  
德明未仕通明獲嘉尉將明昌明尉克明崇文明經衛  
密標榜之趨有德行文詞萃原主簿準溧水尉觀頴工  
文襄陽尉觀有文行宏文進士顥仁友清白常熟令封  
金鄉男頴清介勤學侍郎蔣洌賞其判京兆兵曹襲金  
鄉男峴仁純常熟主簿任城男頴浚儀尉頡清源尉頂  
幹辦揚府法曹頴長厚清白朝邑尉頴左率倉曹頡祕  
書正字頴有吏幹欽州錄事參軍曲阜男頴好爲詩富

陽尉嚮好爲文常州叅軍竝粗有所立君之諸祖諸父  
羣從揚庭墮竝侍讀強學益期竝學士中和至誠敬仲  
大智溫之激之澹之瑱挺援撰溫涿陵竝明經康成強  
學希莊日損隱朝鄰幾知微舒說順勝式宣韶竝進士  
制舉有意中和趨庭希壯至刺史利仁明天文欣期元  
淑景靈竝投書先庭注後漢書嘉賓千里昇庠匡朝怡  
滔渾允濟摺逆覲不器防有文詞博古少連恭敏惇學  
行敬仲溫之以孝聞潤有風義晃鑄邈迨以清白稱其  
儻成著官族不獲悉數洪惟累祖之耿允丕業有若子  
泉宏都之德行巴陵記室之書翰特進黃門之文章祕

監華州之學識肇自魯國格于

聖代紛綸盛美遂

舉集于君君能述遵前人不致失墜□□□事以忝聿  
修宜其克饗尊榮爲清廟不祧之主真卿幸承遺訓叨  
受 國恩旣荷無疆之休敢揚不朽之烈銘曰

系我宗邾顏公子封郟魯附庸亞孔聖浴沂風荆青徐  
給事中護營柳渡江楓侍兄疾感蛇童隣火斷珥貂重  
施七葉傳孝恭武□□□司從便尺牘繼魚蟲勸君難  
儻而終咨記室游湘東嗟御正稟移忠泉黃門擅文雄  
三韶長事東宮四穆叔史牢籠衰華州詁訓通小祕監  
盛名鴻維少保文翰工莠幾赤五衰崇登望苑友桂叢

三超贈保儲躬流光盛廟貌融光不祧巫無窮

建中元季歲次庚申秋七月癸亥朔鐫畢八月己未

真卿篆 恩遷太子少師冬十月壬子男頽封沂

水縣男頽新泰縣男姪男頽承縣男頽費縣男頽鄒

縣男微軀官階勳爵並至二品子姪八人受封無功

無能叨竊至此子孫敬之哉

碑後額

正書十行  
行九字

高祖記室君國初居此宅虢州君舍人君侍為堂今置

廟地高祖妣殷夫人居十字街西北壁第一宅祕書監

君禮部侍郎君侍焉魏州君居後堂華州君於堂中生焉今充神廚少保君堂今充齋堂廡屋充亞獻終獻齋室

顏真卿之隸書李陽冰之古篆二俱奇絕也好古之士重如珠璧自唐室離亂其碑倒於郊野塵土之內更慮年深爲牧童稚叟之所毀壞且夫物不終否能者卽興有都院孔目官李延襲者真好古博雅君子也特上告知口郎中移載入於府城立於先聖文宣王廟庶其永示多人流傳千古乃命南岳夢英大師秉筆書記時太平興國七年八月廿九日移

金石錄卷一百一  
三十一  
朝散大夫行殿中侍御史通判永興軍府事師旗

朝散大夫行尚書考功員外郎權知永興軍府事柱  
國李準重立

右顏氏家廟碑顏真卿撰并書真卿父名惟貞仕至  
薛王友真卿其第七子也述其祖廟羣從官爵甚衆

集古  
錄

右顏魯公家廟碑石刻四面環轉在關中後廟廢未  
初有李延襲者語郡守移置之結法與東方畫像無  
相類而石獨完善少殘缺者覽之風稜秀出精彩注  
射勁節直氣隱隱筆畫間吁可重也天寶間安氏賊

天柱折而力扶之者郭尙父張睢陽平原與常山四

耳顏氏獨擅其二碑之所以重者寧獨書哉

舟州山人稿

余嘗評顏魯公家廟碑以爲今隸中之有玉筋體者  
風華骨格莊密挺秀真書家至寶而其文比之生平  
所結撰尤自詳雅以語顏氏之後人則又其家至寶  
也今年冬吾州別駕小山君以家乘來乞敘始知爲

公之裔孫播於茶陵者因舉以歸之

舟州山人續稿

陸士龍有言文以述祖德爲美故三代彝器皆孝子  
慈孫爲其祖父而立者魯公此碑蓋近之矣又此碑  
後有太平興國七年八月二十九日重立李延襲記



十七字篆書乃夢英手筆蓋此碑倒於郊野延襲告於上官移載入於府城立於文廟故自記之也夫以顏氏之物子孫不能守而後之人為之移徙樹立則不惟顏公之名節可重而字畫亦不容泯矣然則為人子孫思以稱述先德而異世之後欲留不朽者可

以思矣卷一百一碑跋

碑文自父以上竝直書其名而加諱字其他伯叔羣從悉名之予讀張燕公集有唐贈并州刺史先府君碑首曰府君諱隲字成隲范陽方城人也又有周通道館學士張府君墓誌乃說之曾祖也首曰君諱弋

字嵩之范陽方城人也又曰君卽太常卿隆之曾孫  
徵君子犯之孫河東從事俊之子又有唐處士張府  
君墓誌乃說之祖也曰曾祖徵君諱子犯祖河東郡  
從事諱俊父通道館學士諱弋竝直書其名而加諱  
字唐文粹載陳子昂我府君有周居士文林郎陳公  
墓誌文曰公諱元敬字某五世祖太樂生高祖方慶  
方慶生曾祖湯湯生祖通通生皇考辨又有梓州射  
洪縣武東山陳居士墓銘序曰君諱嗣字宏嗣太樂  
卽君之高祖父也生曾祖方慶生祖湯生皇考迥君  
卽迥之第二子也竝直書其名惟父加一諱字劉禹

錫集有子劉子自傳曰曾祖凱官至博州刺史祖鏗  
殿中丞侍御史父諱緒浙西鹽鐵副使贈吏部尙書  
亦惟父加一諱字白居易集有故鞏縣令白府君事  
狀曰高祖諱建曾祖諱士通祖諱志善父諱溫公諱  
鏗卽居易之祖又曰長子諱季庚襄州別駕事具後  
狀其襄州別駕府君事狀曰公諱季庚字某鞏縣府  
君之長子卽居易之父李翱集有皇祖實錄一篇其  
首曰公諱楚金蓋古人臨文不諱而子昂禹錫自祖  
以上不加諱字又所謂不逮事王父母則不諱者也  
今人自述先人行狀而使他人填諱非古也 文有

云子泉宏都之德行子泉卽顏淵也避唐高祖諱

金石

文字記

魯公書高祖記室君國初居此宅云云共八十五字  
人不知摹搨塵土封翳予拂拭摹出碑前後皆二十  
二行每行四十七字左右旁皆六行每行五十字字  
比前後面畧小額字又差小

來齋金石刻考畧

自秦造分隸以至東漢增減任意譌舛相錯篆籀古  
法遂以大壞魏晉之間鍾王繼起風會雖於是而開  
然未能有所是正暨乎六朝喜亂之餘譌以滋譌通  
相傳染日以鄙倍唐興太宗高宗相繼右文書學漸

歸於正虞褚諸公出雖未能盡加刊削然六朝謬體  
蓋已十去七八矣延百餘年顏元孫作千祿字書魯  
公極力揚扞之於是書體廓然大正每作一字必求  
與篆籀吻合無敢或有出入雖其作草亦無不與篆  
籀相準蓋自斯喜來得篆籀正法者魯公一人而已  
評者議魯公書真不及草草不及稿以太方嚴爲魯  
公病豈知寧樸無華寧拙無巧故是篆籀正法此家  
廟碑乃公用力深至之作當是時公年已七十有二  
去其死李希烈之難不過五年年高筆老風力道厚  
又爲家廟立碑挾泰山巖巖氣象加以俎豆肅穆之

意故其爲書莊嚴端慤如商周彝鼎不可逼視少師  
告亦書於是年而風度開明如端人正士冠裳珮玉  
蓋書家廟則精神肅敬少師告則意緒堂皇故書雖  
出於一時而韻趣迥別有如此也碑經五季之亂倒  
於永興郊野宋初太平興國七年都院孔目李延靚  
者始告於殿中侍御史師顏知永興軍府事李準移  
植學宮書環四面其後一面字較清朗然比於元刻  
氣味今古迥絕意其棄擲郊野時經樵夫牧豎毀壞  
李延靚以舊本重刻而後序末之詳耳元本兩側字  
形畧小余特擴而大之令與前後齊一以便觀覽又

李陽冰篆額之後有碑陰一小方詳敘立廟規則而  
知而擗者絕少余并臨於後文廟四字據都穆金薤  
琳琅補足之於是家廟碑由篆額以迄碑陰都二千  
八百二十八字無一字闕後有夢英楷跋并李延巖  
篆跋亦夢英所書盡皆臨之經始於雍正七年八月  
至九月廿有五日乃完即日晚書其後 禮不逮事  
父母則不諱王父母魯公少孤故於勤禮昭甫兩世  
不稱諱則不諱王父母之義也其於父則稱諱者則  
禮所謂死則諱之者也然不逮事父母於王父母且  
不諱乃自欽至思魯十二世又稱諱何歟服絕於高

祖廟制親盡則祧以親而言思魯爲魯公高祖親未盡宜稱諱則勤禮昭甫於公益親尤宜稱諱而碑不稱諱若執不諱王父母之義則祖旣不諱自祖以上槩不必諱而各加諱字殊無義例蓋魯公徒以思魯以上尊故宜稱諱而不準諸禮故多所未合又意在行文不及按點故稱與不稱皆不免錯出耳顧寧人金石文字記謂碑自祖以上並直書名而加諱字蓋未詳察之故若今人自述先人行狀而使他人填諱爲不合於臨文不諱之義則顧氏之辨可謂卓已

按宣和書譜李陽冰字少温趙郡人官至將作監其



書名每作冰說文冰魚陵切疑本字徐鉉云今作筆  
陵切以爲冰凍之冰陽冰蓋取海賦陽冰不冶之義  
故字少温猶韓文公名愈而字退之也今人每稱李  
監爲陽疑不讀久者便以爲誤實則當爲冰凍之冰  
若云陽疑則於少温之義無取其所以書別者以久  
字獨書難以成文故隸楷皆從冰猶主字篆當從

獨書不成文故皆從鏡主之主也今魯公家廟碑書  
冰作氷并於冰省一筆其非疑可知不然不應以目  
前好友誤書其名如此

虛舟  
題跋

右贈太子少保顏惟貞廟碑唐書稱真卿爲師古五

世從孫以此碑證之魯公乃崇賢學士勤禮之曾孫  
師古與勤禮爲親兄弟則魯公於師古爲從曾孫不  
得云五世從孫也廣韻顏姓出琅邪本自魯伯禽支  
庶有食采顏邑者因而著族又邾武公名夷甫字顏  
故公羊傳稱顏公後遂爲氏然則琅邪顏氏出自姬  
姓與曹姓之顏源流各別碑稱邾武公名夷甫字顏  
子友別封邾爲小邾子遂以顏爲氏多仕魯爲卿大  
夫魏有青徐二州刺史盛始自魯居于琅邪臨沂孝  
悌里與廣韻異魯公自云官階勳爵竝至二品予以  
史證之太子少師官也光祿大夫階也皆從二品上

柱國勳也魯郡開國公爵也皆正二品 又顏氏家  
廟碑陰額上題字凡十行八十五字亦魯公所書記  
改堂爲廟室神廚之事爾雅四達謂之衢謂交道四  
出者今俗所謂十字街也然北史李庶傳劉家莊七  
帝坊十字街東南此碑亦云殷夫人居十字街西北  
壁第一宅則十字街之名亦古矣號本从寺今从乎  
亦體之別者

潛研堂金  
石文跋尾

碑魯公自敘歷譜其世系所出以逮子姓號爲詳備  
然載先出于顓頊之孫祝融孫安爲曹姓其裔邾武  
公名夷甫字顏子友別封郎爲小邾子遂以顏爲氏

顧亭林案左傳襄十九年齊侯娶于魯曰顏懿姬其

姬譌聲姬注曰顏譌皆姬母姓當云母氏則顏之為姬姓

為魯族審矣姓譜曰顏姓本自魯伯禽支子有食采顏邑者因以為族其出于邾

之說本自圈稱葛洪蓋徒見公羊於邾有顏公之稱

而不考之于左氏也莒之犁比公豈必為犁彌之祖

乎案魯公當承其家學如師古註急就篇顏氏魯伯

禽支庶食采顏邑因著族又顧頊之後封邾邾武公

名夷父字顏公羊傳謂顏公其後遂稱顏氏故魯公

臨文不檢已為後人所誡而世尤妄為牽附乃于己

之所祖而肆誣焉抑何惑歟又碑敘之儀則謂黃門

兄今北史云之推弟之儀魯公去隨未遠又上書不  
 過五世此必有所據史載之推二子長曰思魯次曰  
 敏楚碑作愍楚敏與愍音同故通用之若之儀碑載  
 出為集州刺史新野公北史于之儀拒命下云出為  
 西疆郡守及踐極詔徵還京師進爵新野郡公開皇  
 五年拜集州刺史較碑頗詳而進爵亦稍有先後此  
 尤可互見乃足觀其全者故亦不可不兼取資也

金石  
 跋

投  
 堂

按此碑魯公為其父立廟而建碑以紀之也子為  
 父立廟而碑題曰顏君文中亦多稱君又金石之

一例也文實正書而夢英記乃謂之隸書古人楷  
字多謂之隸書唐六典校書郎正字所掌有五  
古文二大篆三小篆四八分五隸書八分石經碑  
用之隸書典籍表奏公私文疏用之惟其爲楷書  
始可用于表奏文疏也東魏時有文覺寺碑楷書  
也而題曰隸書夢英之語同其例也文敘先世云  
出于顓頊之孫祝融融孫安爲曹姓其裔邾武公  
名夷甫字顏子友別封邾爲小邾子遂以顏爲氏  
通志氏族畧顏氏曹姓顓帝元孫陸終第五子曰  
安安裔孫挾周武王時封之于邾爲魯附庸至于

夷父字顏公羊謂之顏公子孫因以爲氏據圈稱  
陳留風俗傳及葛洪要字皆如此云但謂顏爲武  
公然邾自顏六世至文公蓬蔭始有爵諡武公之  
號未必然也王儉譜云顏氏出自魯侯伯禽支庶  
食采顏邑因氏焉真卿尙書譜云未知儉何所憑  
故當依圈葛二家及舊譜爲定據此知魯公已自  
不主王儉出自伯禽之說鄭氏復不檢左傳齊侯  
娶魯顏懿姬之語而皆專主顏氏爲曹姓也但氏  
族畧以安爲祝融之孫顓頊元孫之子據碑則安  
爲顓頊之元孫據史記顓頊生子窮蟬又生稱稱

生卷章卷章生重黎融吳回吳回生陸終陸終

生子六人五日曹姓則與鄭氏合然曹姓是吳回

之孫非祝融之孫又不同也碑云孔門達者七十

二人顏氏有八攷孔門弟子之顏姓者曰顏回字

滿字顏無繇字顏幸字顏之僕史記云字叔顏喟字

聲字顏何史記云字冉顏高史記云字子高家語云字子高家語云字子高

顏刻字顏祖史記云祖字襄凡八人又据李錯子

尚史引呂覽有顏涿聚史記作涿聚齊大夫初梁左傳作顏庚

父之大盜也學于孔子為天下名士以終其壽史

記孔子世家云弟子三千身通六藝者七十有二



人如顏濁鄒之徒受業者甚衆則是涿聚亦孔門弟子之姓顏氏者而史記弟子列傳無其人此碑但云八人涿聚亦不在其列矣碑云戰國有率燭

秦有芝貞漢有異肆安樂戰國策有顏觸齊宣王

見之曰觸前觸亦曰王前

按顏觸春秋後語作王觸萬姓統譜併合爲顏

觸

未見有所謂率觸者芝貞異肆亦無攷安樂字

公孫魯國薛人家貧爲學精力官至齊郡太守丞

見前漢書儒林傳碑云魏有斐盛盛卽詳本碑斐

見三國魏志附倉慈傳云京兆太守濟北顏斐注

引魏畧云斐字文林有才學黃初初爲黃門侍郎

後爲京兆太守遷平原太守吏民啼泣遮道車不  
得前碑云盛生欽欽生默默生含含生髦欽默皆  
附見晉書顏含傳而事蹟不詳含在晉書孝友傳  
云少有操行以孝聞兄畿死復活含絕棄人事躬  
親侍養兩兄繼歿次嫂樊氏因疾失明醫人疏方  
須髻蛇膽無由得之有青衣童子持青囊乃地膽  
也童子出戶化成青鳥飛去此碑銘詞所謂侍兄  
疾感地童者指此然云兄疾與傳異含後歷官累  
遷光祿勳三子髦謙約髦歷黃門郎侍中光祿勳  
含喪在殯鄰家失火移棺絳斷火將至而滅僉以

爲淳誠所感碑所謂事具孝行傳者如此碑云髦

生緜緜生靖之靖之生騰之騰之生炳之炳之生

見遠見遠生協協生之推之儀之善

之儀爲之推弟碑云黃門

兄者疑碑經重刻致誤梁書顏協傳父見遠博學有志行齊

和帝鎮荊州以見遠爲錄事叅軍及卽位于江陵

以爲治書侍御史兼中丞高祖受禪見遠乃不食

發憤數日而卒協博涉羣書工草隸世祖鎮荊州

轉正記室吳郡顧協亦在蕃邸府中稱爲二協卒

世祖爲懷舊詩傷之云宏都多雅度信乃含賓實

鴻漸殊未昇上才淹下秩傳與碑叅攷互有詳畧

又傳云協撰晉仙傳五篇碑作三篇為異北齊書

顏之推傳云之推九世祖含據碑當為八世祖梁書協傳云七代祖含

則子之推為八世祖此云九世者誤也父協梁湘東王繹鎮西府諮

議參軍梁書傳作勰釋褐湘東王國常侍又兼府記室名與官彼此互異一世善周

官左氏學之推早傳家業甚為西府所稱繹以為

其國左常侍加鎮西墨曹參軍繹自立以為敬騎

侍郎累官平原太守齊亡入周大象末御史上士

隋開皇中太子召為學士碑不敘大象之官傳不

載宛魂志證俗音字二書各有畧也周書之儀傳

字子升官爵與碑同有文集十卷碑所畧碑云之

推生思魯君之曾祖思魯生勤禮君之祖勤禮生  
昭甫君之父思魯兩唐書附見師古傳勤禮昭甫  
俱無攷碑所載國史稱温大雅在隋與思魯同事  
東宮彦博與愍楚同直內史省彦博與遊秦同典  
校祕閣二家兄弟各為一時人物之盛二家兄弟  
者即謂思魯與弟愍楚遊秦温大雅與弟彦博  
臨大有字彦博今檢兩唐書顏温諸傳俱不載此國  
史語蓋史家畧之矣碑云昭甫明詒訓工篆籀草  
隸書與內弟殷仲容齊名又云君少孤育舅殷仲  
容氏蒙教筆法殷仲容為君之舅則為昭甫之妻

兄弟而上文有內弟之稱儀禮舅之子注云內兄弟也爾雅姑舅之子爲內兄弟昭甫稱殷仲容爲內弟則昭甫之子不當稱爲舅矣据碑陰稱高祖妣殷夫人是思魯之妻夫人之兄弟勤禮當稱舅兄弟之子勤禮當稱內兄弟兄弟之孫昭甫當稱內兄弟或者昭甫更娶殷夫人兄弟之孫則君當稱仲容爲舅也又魯公之母亦殷氏見前殷君夫人碑若然則顏氏三世娶于殷矣書小史載顏元孫少孤養于舅殷仲容家尤善草隸仲容以能書爲天下所宗人造請者牋盈几輒令代遣元孫爲

君之兄是兄弟並育于舅氏而書法並為舅氏所

授矣碑云君與會稽賀知章陳郡殷踐猷吳郡陸

象先上谷寇泚河南源光裕博陵崔瑛友善唐書

傳賀知章字季真越州永興人唐書地理志越州

置天寶元年更名蕭山屬會稽郡碑稱會稽者從郡名與族姑子陸象先善

蕭宗為太子授祕書監善草隸殷踐猷即仲容從

子字仲起與賀知章陸象先韋述最善授祕書省

學士陸象先蘇州吳人元方子尤知名元宗朝累

官太子少保源光裕相州臨漳人乾曜族孫亦有

名由中書舍人累官鄭州刺史崔瑛博陵安平人

元暉子官終禮部侍郎惟寇泚無攷碑云豪州生  
春卿杲卿曜卿旭卿茂曾豪州者卽元孫官滌沂  
豪三州刺史長子春卿次杲卿唐書傳春卿十六  
舉明經拔萃高第調犀浦主簿轉蜀尉蘇頲在蜀  
爲長史被譖繫獄爲樓閣賦自託頲遽出之据碑  
則頲爲春卿舉主也春卿終偃師丞臨終捉真卿  
臂曰爾當大吾族顧我不得見以諸子諉汝真卿  
主其昏嫁是春卿有子而碑未晰也杲卿字昕開  
元中與兄春卿弟曜卿並以書判超等吏部侍郎  
席豫咨嗟推伏据碑則同日試超等者尙有魯公



之兄允南也。杲卿後死，祿山之難自旭卿以下羣從俱無傳碑。云君生闕疑，允南喬卿真長幼與真卿允臧凡七子，而真卿爲第六子。此碑首行稱第七子，所未詳也。真卿本傳云帝崩以爲禮儀使代宗，以大歷十四年五月辛酉崩，十月己酉葬。此碑立于建中元年七月，距葬後已踰半年而結銜尙云充禮儀使，殆猶未解此職也。碑書哉生明爲才生明，崇班爲崇班，或是借用或重刻之訛。唐書宰相世系表不列顏氏，故關中金石志特據此碑及晉北齊唐諸顏氏傳攷定爲魯公世系列于志中。

而考證未備茲故續述之

金石萃編卷一百一終